

3.*

Boûtete fóra, pirsigheîn ¹⁾ d'amúre;
Ti son ²⁾ la manduleîna inzucheráda,
Ti son la manduleîna del mio córe;
Boûtete fóra, pirsigheîn d'amúre.

¹⁾ Vezzeggiativo di pesca (rov. *piérsega*). ²⁾ Sei. Egualmente dice quasi tutta l'Istria son per sei.

A Dignano invece cantano:

Fáte de fóra, piérsego infiuereio,
Ti sóin la manduleîna inzucaráta.
Ti sóin la stila che cunpágn a 'l súde;
Ti sóin la cadeniéla del mio cuóre. —

4.*

I ié ¹⁾ veïsto el vírdo ²⁾ a rinverdei sul vírdo;
I ié veïsto el vírdo a rinverdei l'amúre.
El vírdo zi un culúr che mái nun piérdo;
Doûto de vírdo va vistei el me Amúre.
De vírdo va visteida la campágn a,
De vírdo va visteido chi me áma.
De vírdo va vistei l'anbassiatúre;
Doûto de vírdo va vistei el me Amúre.

¹⁾ Ho. ²⁾ Verde.

5.*

Vardilo ¹⁾ là che Deio me l'à mandáto!
El zi piouñ biél che no' un cánpo de fiúri;
Un cánpo de fiúri nun zi cussei biélo,
Cúmo che zi el meio amánte biélo.
Cánpo de fiúri nun zi cussei urnáto,
Cúmo che zi lu meio inamuráto.

¹⁾ Guardatelo.